

Crisis Theologica

Cárdenes, Juan de

Sevilla, 1687

Cap. II. Ostenditur falsitas propositionis damnatae.

[urn:nbn:de:hbz:466:1-75689](#)

tionis quoad propositionem vniuersalem. Et in libris Decretalium inventiuntur quam plurimi Canones, qui in uno individuo statuunt, quid agendum sit; & ex communi sensu Doctorum sunt leges vniuersales, vbi est idemtitas rationis. Vide quæ dixi in 2. part. Cris. Theol. disp. 33. cap. 6. n. 96. circa propositionem ex damnatis ab Alexandro VII. trigesimam quartam, scilicet *In die palmarum recitans officium Paschale satisfacit precepto.*

4. Præmittendum etiam est, adulterium, præter violationem Castitatis, includere aliam speciem peccati, scilicet violationem legis coniugalis. In quo omnes Doctores convenient. An autem hæc violatio legis coniugalis sit vñica species infima, an duplex, inferius discutietur.

5. Huius propositionis damnatae, quis sit Author, nescimus. Nam Mag. Gonetus in dissertatione de probabilit. num. 120. assertit, id docuisse novos quosdam Cœfuitas. Adhuc tamen non desunt, qui eam Caramueli attribuere videantur. Nam P. Moya tom. 1. selet, tract. 3. disp. 3. quæst. 3. cap. 6. num. 65. sic ait: *Non me latet, non nullos, quos, citato Illustriſſ. Fr. Angelo Alarique Episcopo Pacensi, sequitur Caramuel in Theol. fundamētali fundam 35. c. 3. n. 537. fol. 230.* duplēcēm tantum malitiā in adulterio cognoscere, aliam contra Castitatem, aliam contra iustitiam. Vnde inferunt, satis confiteri, qui dicere, [commissi simplicem fornicationem,] & post alia interiecta peccata subnecteret: [intuli cuiquam gravem iniuriam, tertia quādam persona cooperante.] Sed non placent: tum quia consentiente viro, sufficeret se accusare, de simplici fornicatione, quod nullus concessit: tum quia eo modo confitendi, duplex numero peccatum in esse moris pro uno individuo ad duplēcem speciem pertinente subrogaret. Quæ secunda ratio vrget. Et

ego adderem tertiam: quia iniuria adulterij est specie diversa ab iniuria furti, & ab iniuria detractionis, &c. Non ergo sufficeret dicere, se irrogasse iniuriam; sic enim confiteretur iniuriam in genere, & non in specie infima. An autem ex ea assertione Caramuelis inferatur, quod consentiente marito, non esset iniustitia, & sufficeret se accusare de simplici fornicatione; atque adeo an ea assertio Caramuelis subiaceat huic damnationi, dicam inferius cap. 3. Ille quidem in apologeticis de Probabilitate negat, vñnum Theologum dixisse, fornicationem fæminæ coniugatæ, consentiente viro, non esse adulterium. Ea autem assertio Caramuelis, quam citat P. Moya, non invenitur in editione anni 1657. qua vñtor.

6. Fundamentum huius opinioneis potest in hanc formam excogitari. Tota malitia, quæ reperitur in adulterio fæminæ coniugatæ, ultra speciem luxuriae, est contra iustitiam, & ius mariti: sed scienti, & consentienti non fit iniuria; vt dicitur in Reg. 27. de Regule iuriis in 6.: ergo dum maritus scit, & consentit, cessat ea malitia contra iustitiam.

C A P V T II.

Ostenditur falsitas propositionis damnatae.

S V M M A R I V M .

Convincitur proposizio damnata testimoniio Apostoli. n. 7.

Responsio refutata. num. 8.

Specialis lex matrimonij, qua tenetur fæmina non adhærere alteri viro, est independens à voluntate coniugis. num. 9.

Et quomodo id constet ex Sacra Scriptura? num. 10.

Kkkk

Quo-

Quomodo violetur unitas carnis constituta in matrimonio, etiam si coniux consentiat? n. 11. & 12.

Illa circumstantia violandi eam legem matrimonii facit culpam specie diversam. n. 13.

Matrimonium est vinculum duorum independenter à consensu utriusvis.

Et quid inde pro conclusione? n. 14.

Ex eo, quod matrimonium fidelium sit Sacramentum, roboratur conclusio num. 15.

In adulterio fidelium est alia species peccati, que non est in adulterio infidelium num. 16.

7. **F**alsitas eius propositionis consistat manifeste ex cap. 7. epistola ad Rom. , ybi sic loquitur Apostolus. *Igitur vivente viro, vocabitur adultera, si fuerit cum alio viro ; se autem mortuus fuerit vir eius, liberata est à lege viri, ut non sit adultera, si fuerit cum alio viro.* Statuit ergo Apostolus propositionem univeralem, qua afferit, *omnem feminam coniugatam, que vivente viro fuerit cum alio viro, esse adulteram.* ergo contradicit Apostolo, qui ponit hanc propositionem particularem negativam, *Aliqua femina coniugata, que vivente viro fuerit cum alio viro, non est adultera;* scilicet, quando vir ius consentit. Nam haec duas propositiones sunt formaliter contradictoriae.

8. Dices, propositionem Apostoli non esse ita universalem, sed intelligendam esse cum ea limitatione, scilicet vivente, & invito viro, vocabitur adultera, &c. Sed haec responsio est omnino (vt minimum) improbabilis; imo est multo maiori censurâ digna: quia nemini licet limitare propositiones universales, que sunt de Fide, nisi quando ex alijs Fidei dogmatibus, aut ex intelligentia Ecclesiae, aut Sanctorum Patrum, & Sacrorum Interpretum, includunt talem limitationem.

9. Probatur secundo eadem falsitas propositionis. Etenim speciali lege matrimonij tenetur femina ad non adhærendum alteri viro, idque independenter à consensu, aut dissensu viri: & similiter vir ea speciali lege tenetur, vt non adhæreat alteri feminæ, idque independenter à consensu, aut dissensu sue coniugis: ergo sive alter coniux consentiat, sive dissentiat, eodem modo peccat contra eam specialem legem matrimonij, si alteri commisceatur. Consequens patet, quia est fere identica cum antecedenti.

10. Antecedens vero demonstratur ex verbis Sacrae Scripturae Gen. 2. *Adhærebit uxori sue, & erunt duo in carne una.* Quam sententiam Christus Dominus stabilivit denuo in Legi Evangeliæ Math. 19, dicens: *Adhæreb. t uxori sue, & erunt duo in carne una: Itaque iam non sunt duo, sed una caro.* In quibus verbis constat declarari institutionem, & legem matrimonij: ergo coniuges ea lege tenebentur, vt semper maneant duo in carne una. Sed cum vxor adhæret alteri viro, non manent illi duo coniuges in carne una; quia unitati carnis opponitur divisio eiusdem carnis: que divisio manifeste invenitur, quoties coniugata adhæret alteri viro (idem de viro, qui accedit alteri feminæ) ergo tunc violatur ea lex matrimonij lata in ipsa institutione matrimonij.

11. Quod autem deficiat adultera ab ea unitate carnis, in qua per matrimonium constituta est, patet: quia rursus fit una caro cum socio criminis, vt constat ex illis verbis Apostoli 1. Corinth. 6. *An nescitis, quoniam qui adhæret meretrici, unum corpus efficietur?* Erunt enim (inquit duo in carne una.) Cum ergo illa, quæ erat una caro cum marito, fiat etiam una caro cum mæcho; ex una, & una fit binarium,

rium, per quod laceratur perfecta unitas in matrimonio instituta. Cum ergo ex lege matrimonij promulgata per Christum in Evangelio, sit ea perfecta unitas carnis; & haec unitas laceratur per fornicationem mulieris conjugatae, etiam si maritus consentiat in adulterium, quia quamvis ipse consentiat, non propterea servatur ea unitas carnis; sit, quod etiam si maritus consentiat, violatur ipsa lex matrimonij.

12. Confirmatur. Nam Christus D. respondens Pharisaeis, qui tentantes eum, interrogaverunt, *si licet homini dimittere vxorem suam quacumque ex causa?* Ex hac unitate duorum in carne una, probavit, iam non licere homini dare vxori libellum repudij: ex quo evidenter infertur, quod haec unitas duorum in carne una est independens à voluntate mariti; quandoquidem licet ipse velit violare hanc unitatem per libellum repudij, iam non potest. Cum ergo eiusmodi lex de unitate duorum in una carne sit independens à consensu mariti; & hec unitas violetur per fornicationem feminæ conjugatae; sit, feminam conjugatam fornicantem, conscientiente marito, violare præfata legem unitatis coniugalis, atque adeo, etiam conscientiente marito, illud esse adulterium, & delictum specie distinctum à simplici fornicatione.

13. Quod autem ea circumstantia sit specie diversa, patet: nam violare legem cuiuslibet contractus est peccatum specie diversum ab eo, quod est violare Castitatem; alioquin non est malitia specie diversa, quæ reperitur in usura ex mutuo, ac malitia fornicationis: sed feminam conjugata, quæ fornicatur, violat præfata legem contractus matrimonialis: ergo haec circumstantia est specie diversa à simplici fornicatione.

14. Probatur tertio. Matrimo-

nium est vinculum duorum procedens ex ipso contractu; immo & in hoc conceptu vinculi consistere essentiam matrimonij, censet communis Theologorum sententia cum S. Thoma: *quæ vinculi appellatio desumpta est ex Apostolo ad Rom. 7. aiente: Mulier alligata est legi, quanto tempore vir eius ut sit sed hoc vinculum, seu alligatio est independens à consensu, & dissensu mariti; ideo enim Paulus non dixit [alligata est viro,] sed alligata est legi: ergo fæmina conjugata, quæ fornicatur, conscientiente viro, peccat contra legem eius vinculi, & non solum contra Castitatem. Et quidem eiusmodi vinculum stat in eo, quod beat adhærente huic viro, & non alteri; quando ergo adhæret alteri, quantum est ex se, solvit se ab eo vinculo.*

15. Probatur quarto in matrimonio Fidelium; cum contractum indissolubilem elevavit Christus D. ad rationem Sacramenti, ut docet Fides Catholica iuxta Tridentinum sess. 7. can. 1. & sess. 24. in decreto de Sacram. matrim. & ibid. can. 1. Ex ratione autem Sacramenti habet significare unionem Christi D. cum Ecclesia, iuxta Apostolum ad Ephes. 5. *Propter hoc relinquet homo Patrem, & Matrem suam, & adhaerbit vxori sue; & erunt duo in carne una. Sacramentum hoc magnum est; ego autem dico in Christo, & in Ecclesia.* Ex hac ergo ratione Sacramenti, & significatione unionis Christi cum Ecclesia, resultat specialis obligatio servandi eam carnis unitatem; ideo enim dicit Apostolus: *Erunt duo in carne una: Sacramentum hoc magnum est, &c.* Tum sic: quando fæmina conjugata succumbit mæcho, violat eam unitatem carnis elevatam iam ad rationem Sacramenti, & ad significandam unionem Christi cura Ecclesia: sed id est omni ex parte independens à consensu, aut dissensu.

Kkkk 2 ma.

628. DISERTATIO XXX. CAP. III. ART. I.

mariti: ergo sive consentiat maritus,
sive dissentiat , talis fæmina peccat
contra legem eius vnitatis sic eleva-
tæ ad rationem Sacramenti.

16. Hinc infero, in adulterio Fi-
delium esse aliam speciem peccati,
quæ non invenitur in adulterio insi-
delium: nam adultera Fidelis peccat
contra specialem legem resultantem
ex contractu matrimoniali elevato
ad rationem Sacramenti , & signifi-
cante vnonem Christi cum Ecclesia.

C A P V T III.

*An in adulterio fæminæ coniu-
gatae , quod committitur, viro
invito, sit alia species peccati, quæ
non reperitur, cum sit de consensu
viri? Vbi quæ species pec-
cati reperiantur in
adulterio?*

ARTICVLVS I.

*Aliquis prænotatis, proponit
sententia , quæ admittit tertiam
speciem iniustiae , cum suis
fundamentis.*

SVMMARIVM.

*In adulterio præter speciem peccati cō-
tra castitatem est etiam alia species
contra Fidem matrimonij. num. 17.
Enumerantur alia species iniustiae,
que quandoque reperiuntur in adul-
terio vxoris. n. 18.*

*An in adulterio vxoris, quod fit, invito
viro, sit alia species iniustiae , quæ
non datur, consentiente viro; & pro-
ponit prima sententia affirmans.
num. 19.*

*Proponit explicatio eius sententia.
num. 20.*

Tria fundamenta eius sententiae affir-
mantis.n. 21. & seqq.

17. **V**T satisfiat argumento, quod
proposui cap. i. pro opi-
nione damnata , oportet agnoscere
quæ species peccati intercedant in
delicto adulteræ (idem proportione
servata in adultero coniugato). Et ex
cap. præcedenti constat primo, preter
speciem peccati contra Castitatem,
esse etiam speciem aliam contra obli-
gationem servandi vnitatem carnis,
seu, vt alii dicunt , contra fidem ma-
trimoniij ; quæ obligatio nascitur ex
ipso contractu matrimoniali. Quæ
quidem species peccati est contra iul-
titiam : nam omnis obligatio , quæ
nascitur ex contractu, si violetur, vio-
latur iustitia ; cum omnis contractus
obliget ex iustitia.

18. Deinde supponendum est,
aliquando solere concurrere alias
species iniustiae in adulterio vxoris;
V.g. quando supponit viro suo alienum
filium, obligans virum suum , vt
eius sumptibus alat filium alienum. &
vt is filius sit cohæres filiorum legitimi-
morum, vel hæres vniuersalis, si non
sint filii legitimi; quæ omnia sunt cō-
tra iustitiam. Deinde S. Thom. 2. 2. § 7^{thm}
quæst. 154. art. 8. corp. agnoscit alias
duas deformitates in adulterio fæmi-
næ coniugatae, scilicet contra certitu-
dinem prolixi; nescitur enim, an sit fi-
lius viri sui, an machi; & contra bo-
num propriæ prolixi. Et prima quidem
deformitas non semper concurrit; vt
cum fæmina concepit in absentia vi-
ri sui; secunda autem non extat, quan-
do ex neutro concepit. Si autem lo-
quatur S. Thom. de periculo viri us-
que deformitatis, cui se exponit vxor
adultera ; tunc reduceret peccatum,
ad eam speciem iniustiae , ad quam
periculum inclinat.

19. Quare restat discutere , an
quando fæmina coniugata committit
adul-